

Digitized by the Internet Archive in 2010 with funding from University of Ottawa

SEP 2 1970

Universitas MBLIOTHECA Ottaviensis



COMEDIE DV PAPE MALADE ET tirant à la fin:

Où ses regrets, & complaintes sont au vif exprimees, & les entreprises & machinations qu'il fait auec Satan & ses supposts pour maintenir son siege Apostatique, & empescher le cours de l'Euangile, sont cathegoriquement descouvertes.

Traduite de vulgaire Arabic en bon Romman & intelligible, par Thrafibule Phenice.

AVEC PRIVILEGE.

M. D. LXI.



PQ 1605 .85 A 7

L'AVTHEVRAV L Ecleur fidele, S.

E prouerbe du Comique Payen, qui dit que Verite engendre haine, a eu son approbation dés la transgression du premier homme, & tant plus le monde continue, tant plus est-il prattiqué & mis en vsage. Car qui sont ceux qui sont les plus hais & detestez des hommes, sinon ceux qui leur disent leurs veritez? & qui sont les plus cheris & bien venus entre gens de tous estats, sinon les flatteurs, & ceux qui font de vice vertu par leurs applaudissemens? Ainsi, ami Lecteur, il ne faut pas que ie m'attende d'en auoir meilleur marché que les autres, puis que ie me delibere de bien gratter la rongne, mesmes de celuy qui se vante qu'il n'appartient à homme viuant de le reprendre, encore que sa vie soit comme vn miroir de toute infamie & abomination. Vray est qu'il ne scauroit monstrer letres de sa dispense, sinon escrites & signees de la griffe de Beelzebul. Et pour tant, ie suis content d'encourir son indignation, & de tous ses supposts, pourueu que ie descouure sa turpitude, qui a par trop regné au monde, voire auec vne impunite tres-pernicieuse & dommageable au poure troupeau de Iesus Christ. Ne vous offensez donc point ô Lecteur, de la liberte que ie pren. Car le temps de lumiere est venu qu'il faut que la vie ignominieuse de ce monstre infernal, & de to 9 ceux de sa secte soit descouuerte, comme Dieu l'a iadis predit par son Prophete Nahum, parlant en ceste sorte à ses aduersaires en la personne des Niniuites, A cause de tes fornications, ô paillarde de bonne grace, maistresse en sorcelleries, laquelle as vendu les gens par tes paillardifes, & les familles par tes sorcelleries: voyci i'en ay à toi, (dit le Seigneur des armees): ie rebrasseray tes pans sur ta face, & monstreray aux gens tes parties honteuses, & ta vilenie aux royaumes, &c. Ne vous esbahissez donc si en ce temps que Dieu veut restablir les ruines de son Israel, il se trouue des gens qui descouurent les enormitez de ceste abominable eglise Romaine, lesquelles sont venues au comble,

comble, & sont montees denant Dieu, qui ha en main sa vengence toute preste pour exterminer ceste grande paillarde, qui a enyuré tout le monde du vin de sa paillardise, regnant par tyrannie sur le siege de Dieu, duquel il faut maintenant qu'elle soit precipitee en ignominie & confusion per-petuelle. Ne vous esbahissez, di-ie, si l'honneur de cest Antechrist, qui durant le temps d'ignorance a este tenu comme sacré & inuiolable, est à present mis en opprobre & contumelie. Car voyci qui est predit de luy par le mesme Prophete, Tous ceux qui orront ta renommee, claqueront des mains fur toy: car vers qui est-ce que ta malice n'est incessamment paruenue? Or donques, ceux qui sont encore scrupuleux, & qui trouuent ces reprehensions Satyriques trop aigres & violentes, apprennent que les douces & amiables remonstrances dont on a vsé si souuent & de si long temps n'ont de rien serui, & que le mal est tellement creu, qu'il n'est plus question de medicamens lenitifs, ains de cauteres & incisions: encores est-il bien à craindre que le tout ne pourrisse, tant le mal est enraciné. Que s'il y en a qui s'en offensent, i'espere qu'il ne desplaira pas à la plus part, au moins à ceux qui ayans este iadis empoisonnez du hanap d'abomination de ceste paillarde, ont este gueris par le souuerain Medecin, moyennant l'antidote & contrepoison de sa parole qu'il leur a fait gouster: & quant aux autres qui se plaisent en leur bourbier, & qui se creuent les yeux de peur de iouyr de la clarte qui se presente à eux, qu'ils scachent que ce m'est plaisir de leur desplaire. Au reste, quant à ce que l'intitule ce present ieu Comedie, & toutesfois ie ne retien point la mode des anciens Comiques, qui ont distingué leurs Comedies en Actes & Scenes, ie laisse au iugement de ceux qui s'entendent en telles choses, à cognoistre s'il ne m'estoit pas aisé de le faire, veu l'argument que ie traitte, & les diuers personnages que l'introduy. Toutesfois, ayant efgard que l'escriuoye pour les simples, l'ay pensé qu'vn fil continuel leur plairoit plus que ces interruptions qui se font és Scenes, & l'artifice qu'on tient és Comedies. Cependant Cependant ie n'ay pas laissé de donner à ce mien ieu ce nom, par ce que le definiment de la Papauté qui est prochain, apporte apres meints troubles & persecutions repos & confolation à l'Eglise de Dieu, au milieu de laquelle Iesus Christ, apres que il en aura deschassé cest Antechrist, regnera par sa parole: & lors il y aura matiere de ioye, comme c'est le naturel des Comedies d'auoir commencement fascheux, & issue ioyeuse. Que si ce nom desplaist à quelques vns, qu'ils luy en donnent vn tel qu'ils voudront: quant à moy, ie n'espouse point de querele pour le maintenir, pourueu que ie puisse profiter en quelque sorte, mettant en auant les abus du Pape & les complots de ses sup-posts, afin que les poures fideles s'en donnent garde, & detestent cest ennemi de Iesus Christ & de sa verite. Adieu.

ARGVMENT.

E Pape prochain de la mort, De se venger sait son effort: Et sentant de Dicu la tempeste A le ruiner toute preste, Confolé par fa mommerie

(l'enten Prestrise & Moinerie, Qui font fes enfans premier-nais, Qu'il a de tant de biens ornez) A Satan feul ha fon recours, Attendant de luy tout fecours : Leguel voyant fon interest, Va en tous endroits fans arreft Pour gagner gens de toutes guifes A mettre a chef fes entreprifes. Et de faict, il troune des hommes (L'ordure du fiecle ou nous fommes) Prompts & difpos a fe loer Pour le ciel hautain defclouer Et renuerfer, s'il est possible, Le throne de Dieu inuincible. Scauoir est, vn Ambitieux Qui se dresse contre les cieux, Et ce de certaine malice, Ayant du droict chemin notice : Vn Affamé, vn Zelateur, Vn Outrecuidé affronteur Accompagné de fon valet Philaute, qui nihil valet, Puis vn grand bigot d'hypocrite Contrefailant la chatemite. Afin que fous couleur de zele Il empliffe fon efcarcelle. Mais en fin tous ces malheureux

Cherront au piege fait par eux, Pour fouffrir peine perdurable Auec leur Chef abominable. Lors Dieu auec fa verite Viura en toute eternite Au milieu de fa poure Eglife Que tant on outrage & mesprise, Faisant cesser ses cris & pleurs Et changeant en ris ses douleurs.

AVX IEVX HIERAPOLITENSES, AV GRAND THEATRE NOVVELLEMENT SACRE AVX SAINCTES ET SERIEVSES MVSES, EN LA PRESENCE DES ILLVSTRES MODERATEVRS DE L'ANTIQUE VENEGE, ET DES FIDELES LEGATS DV GRAND ROY CATHOLIQUE, ENVIRONNEZ D'VNE SAINCTE COVRONNE VIRILE.

10

PROLOGVE.



leu gard fages Seigneurs & Dames vertueufes, Qui auez ce iourd'huy prins vos faces ioyeufes, Pour veoir le poure dieu de terre lamenter Et fes fuppofts aussi en vain se tormenter. Dieu gard grans & petis, Dieu gard poures &

riches,

Dieu gard gens fans fouci, Dieu gard chagrins & chiches, Dieu vous gard deflabrez, & vo⁹ braues & miftes, Soyez tous bien venus, si vous n'estes Papistes, Autrement il vaut mieux que vous vous abfentiez Auant que meints broquars & despits vous sentiez. Ce ieu-ci est pour ceux qui le Pape detestent, Et contre les abus pour Verite contestent. Sus fus donc Huguenaux, que l'on vo⁹ voye en place, Pour veoir si vous auez si maigre & triste sace Qu'on bruit, & si complots dressez pour vous destruire, Quand il en est saison vous empeschent de rire. le n'enten pas d'vn ris profane & fans fcience, Ains partant du repos de bonne confcience, Qu'oster on ne scauroit, pour tourment que l'on face, A ceux qui ont receu de lesus Christ la grace. Riez donc vostre saoul, de ce ris sobre & sainct, Oyans les grans regrets de ce pere treffeint, Duquel la vogue a fait le faut par la fenestre, Tellement qu'il voudroit estre mort, ou a naistre. Car il se voit sommé au tribunal de Dieu Duquel il a raui & l'office & le lieu, Pour la de ses messaits compte & reliqua rendre, Et de Christ qu'il a poinct, son jugement attendre. Or penfoit ce brigand, d'eternelle affeurance Auec mort & enfer auoir faich alliance: Mais Dieu, dont le iuste œil tout remarque & contemple, Son sceptre a redressé pour regner en son temple, Duquel

Duquel cest Antechrist faisoit vne cauerne Pour les bons efgorger, ou bien vne tauerne Pour nourrir fes pourceaux, i'enten prestres & moines, Reclufes & nonnains, & femblables fouines Qui le fang des Chrestiens succent incessamment Et fans peine & fouci viuent opulemment, Sous couleur d'oraifon faisans les chatemites. Mais le temps est venu qu'il faut que les marmites Graffes foyent mifes ius, & ce grand cuifinier En enfer par Satan foit mené prifonnier. Voyla qui maintenant le tourmente & le mine. Si doncques vous voulez luy veoir faire la mine Et crier ses helas, chacun de vous se taise, Et pour bien escouter, qu'on se mette a son aise. Ce faifant vous aurez (ie croy) tel paffetemps Que d'yci fortirez tous ioyeux & contens, Fors ce monftre & les fiens desquels la conscience Estreinte de remors vit en impatience. Or ne vous veux-ie pas plus longuement tenir, Car ie croy qu'il ne peut plus tarder de venir.

LES PERSONNAGES.

Prestrise. L'ambitieux.

Le Pape. L'affamé.

Moinerie. L'hypocrite.

Satan. Le zelateur.

L'outrecuidé. Verite.

Philaute son valet. L'Eglise.

Prestrife commence.



ERE tressaina, appuyez vous
Sur mon espaule, allez tout dous
De peur d'esmouuoir vostre rheume.
Le Pape.

Mon foye est dur comme vne enclume, l'ay tant la ratelle oppilee!
Vne Kyrielle pilee,
Auecques vn Fidelium,
Et de l'Intesperantium,
Vn peu de poudre d'Oremus
Et autant de Te rogamus,
Seruiroit bien de cataplasme.

Moinerie.

Pere, ie ne crain que le passine, Et si ne say que tressaillir Que ne veniez a desaillir: Ce qu'aduenant, me voyla morte Ou miserable en toute sorte.

Le Pape.

Non, non ma fille, ne te chaille, Ne crain pas que le cœur me faille. Car encores que ie fois vieux, En despit de mes enuieux Si viuray-ie iusqu'a la mort, Et croy que seray le plus fort, S'il y a foy en mes augures Et astrologiques figures.

Satan.

Or tandis que suis yei haut,

En mon billet auiser faut Si ie laisse rien de ma charge, De peur qu'au retour on ne charge D'vn gros bafton, ou d'vne gaule Le gippon couurant mon espaule. Ou bien que pour me faire feste On me testonne vn peu la teste. Or çà, çà, venez mes maunettes (Ie voulois dire mes lunettes) Que ie vous pose sur mon nez. O que i'en voy bien d'estonnez! Mais on diroit que ie suis bien vieux D'ainsi me voir chausser quatre yeux, Aussi ay-ie veu en ma vie Du bien beaucoup, non sans enuie, Mais au pris, i'ay tant veu de maux, Et tant enduré de trauaux A forger malices & fourbes Que i'en ay les espaules courbes. Passons outre, le temps est court, Voyons yn peu quel bruit il court.

Memoire de fermer la porte
Par où les liures on apporte
Qui font les gens Lutheriens,
Ou pour le moins bien gros Chrestiens.
Et qui Diable en viendroit a bout,
Quand il y a breche par tout?
Memoire de dire a Sorbonne
Que fur tout garde elle se donne
Des prescheurs sous la cheminee
Desquels il est fort grande annee.

C'est vn mandat bien à propos!

Nos Maistres aiment le repos

Comme les truyes font leur auge:

Mais qu'ils ayent viande à bauge,

Et du vin de theologie

Dont leur face est si bien rougie,

Ils scauront dormir & peter,

Et les gros bis contrepeter,

Ou coucher auec leur amie,

Mais de deuoir n'en cherchez mie.

Memoire expres de voir en Cour Qui c'est qui ha ores son tour, Les Huguenaux ou les Papistes, Les Libertins ou Atheistes, Et faire de tous vn meslange, De peur que l'estat ne se change Qui insqu'yci a eu la vogue.

Memoire aussi qu'on interrogue Vn Reuerend fort renomine, Ia soit qu'yci ne soit nomine, S'il n'ha pas tousiours bon propos De ne laisser point en repos Ces Chrestiens nouueaux imprimez Iusqu'à ce qu'ils soyent reprimez.

Ie ne scuy qu'a fait cest idole,
Ou ce grand magister d'eschole
A nostre prince Lucifer:
Mais iamais ie n'entre en enfer,
Voire ie perde froc & chappe,
S'il n'en fait quelque iour vn Pape:
Au moins sa grande sainsteté

En ha bien bonne volonté.

Et quoy? fera-ce tantost faict:
Or ay-ie tout mis en effect
Fors vn item qui est à part
En mon escarcelle à l'escart.
Ie croirois bien que cela touche
Quelque chose à dire de bouche:
Si me faut-il scauoir si c'est
Missiue, procure, ou arrest.

Memoire d'aller vifiter Et grandement foliciter De fon deuoir monfieur le Pape.

l'ay grand'peur que la mort le happe. Il est ia bien interesse, Ladre, pourri, vieil, & casse. Si faut-il faire mon message. Pour luy eschausser le courage. A tenir bon par monts & vaux. Contre ces maudits Huguenaux. Or voyci que l'auois obmis. Des items qui me sont commis. Ie m'y en vay donc tout courant: Car on dit qu'il s'en va mourant. Que si i'y suis auant qu'il meure, Excuse auray de ma demeure:
Mais si sans moy vient à mourir, Ce sera à moy à courir.

O s'il m'estoit vn peu permis De dire vray à mes amis, Ie dirois que la Papauté Perdra bien tost sa royauté, Et que nonobstant bonne mine
Le Pape est pres de sa ruine.
Mais il faut bien que ie me garde
D'en parler, de peur qu'on ne larde
Mon eschine à coups de bastons.
Poures porteurs de rogatons
Vous n'aurez plus le vent en poupe:
Adieu marmite, adieu la soupe,
Adieu bon temps, adieu repos,
Adieu les verres & les pots,
Adieu putains, adieu commeres,
Vous ne verrez plus les beaux peres.

On diroit que l'ay bon loifir, De causer ainsi à plaisir: Cependant ie ne suis pas sage Que ie n'acheue mon message: Car si Belzebul me demande, Ie suis seur de payer l'amende.

Or ça, ie voy le Pere sain a
Qui tousse, qui crache & se plain a
Accompagne de fils & fille.

Il faut que ma langue babille
Bien a poin a fin de l'induire
A tous ces Huguenaux destruire
Qui nous ostent nostre butin.

I'y emploiray tout mon Latin
Et si feray tous mes efforts
A ce qu'ils ne soyent les plus sorts.
Mais quoy? si ie suis bon deuin
I'ay peur que ce ne soit en vain.
Pere tressain die te salue

Par vn prince de grand value Belzebul ton Seigneur & pere, Lequel entendant ta misere, Et le danger où tu es mis, Comme au meilleur de ses amis M'enuoye pour te secourir.

Le Pape.

Mon ami, ie m'en vay mourir, C'est faid de moy, ie n'en puis plus, Et suis desia comme perclus: Puis si le corps ha meints tourmens, L'esprit n'ha moins d'estonnemens. Mais quoy Satan, qu'est-il de faire En vne fi pressante affaire? Vne fois ie voy du tout bas, (Si les coups en brief ne rabas) Mes clefs, ma chaire & ma couronne, Voire ma propre personne. l'ay eu d'estranges visions Seroyent-ce point illusions? l'ay veu l'Ange de ce lesus Tenant yn glaiue nud là sus, Qui disoit d'une horrible voix, Escoutez moy, Princes & Rois Yures du hanap inhumain De ce faux Antechrist Romain, Scachez que la grand cruaute De ceste infame Papaute Et de ceux qui l'ont supportee Deuant l'Eternel est montee, Tellement que son ire est preste

De vous tomber dessus la teste.

Tout depuis ces tristes propos le n'ay eu plaisir ne repos. Car yn yer sans cesse me ronge, Et rien que meschef ie ne songe. l'ay là dedans mille bourreaux, l'enten des enfers les courreaux Crosler pour m'appeler à conte, Dont la sueur au front me monte. Ha Satan, tu m'as bien deceu. Vray est que i'ay de toy receu Honneur, credit, & grand'cheuance, Voire vne supresme puissance Par laquelle i'ay fait la guerre Aux grands potentats de la terre, Me faisant adorer pour Dieu Iusques à me seoir en son lieu: Mais que me sert la iouissance De ceste mondaine plaisance Puis que l'issue en est mortelle Et causant misere eternelle? Prestrife.

Voyla vne extreme douleur Qui me fait changer de couleur: Car fi elle dure ainfi forte, Ie crain fort qu'elle ne l'emporte.

Moinerie.

Mon frere, i'ay mauuais prefage Au changement de fon vifage. Voyez qu'il est verd, rouge, & inde Comme le gosier d'vn coq d'Inde: Pour Dieu tastez vn peu son pouls. Helas s'il meurt où irons-nous? Prestrise.

A Satan, nostre ancien maistre, Auec qui scaurions-nous mieux estre? Car luy mort, qui nous voudra veoir Et encores moins receuoir?

Satan.

Venez, venez, ie vous appreste Vn bain pour vous faire la feste.

Comment Pater sanctissime,
Pater reverendissime,
Au besoin vous faut le courage?
Ca que ie face vn peu d'hommage
A ceste divine pantouste.
Ha i'ay quasi perdu le souste
Apres ceste hausse qui baisse.

On ne scait pas quand ie m'abbaisse Ou que ie fay telle pipee, Que c'est pour auoir ma lippee.

Que c'est pour auoir ma lippee.

Sus Pere sainct, qu'on ait bon cœur.

Et quoy? vous faut-il auoir peur

D'vn tas de chetifs trepelus,

Tant malotrus, tant mal-voulus,

Qu'on pend, qu'on brusse, & qu'on pourchasse

Comme poures bestes de chasse,

Qu'on pille, qu'on tue & saccage,

Et sur lesquels on met la rage

De tous les maux qu'on fait au monde?

Non, non, ie veux que l'on me tonde

Aussi ray qu'vn enfant de chœur,

Si vous n'en demeurez vainqueur. Tenez bon, Pere, & ne vous chaille, Vous emporterez la bataille. Car la chair, le monde & l'enfer, Beelzebul & Lucifer Vous feront escorte en tous lieux, Fust-ce à aller contre les cieux.

Le Pape.

Iufqu'yci i'ay adiouste' foy
A tes dits, me fiant en toy,
De faict ie suis iusques à tout
De mes souhaits venu à bout.
Mais quoy? si faut-il reuenir
A ce tant triste souuenir,
Que me feras à grand mesure
Payer de mon bon temps l'vsure.
Ie sens dedans ma conscience
Vne terrible impatience,
Apprehendant incessamment
L'horreur de ce grand iugement.

Satan.

Conscience! à qu'il l'ha fort large, Quand le poure peuple ainsi charge De fais, lesquels il ne voudroit Auoir touche du bout du doigt. Mais il vaut mieux taire ces choses Sans descouurir le pot aux roses. Le souffre tout insques au temps Que tous ne seront pas contens.

Or ça Pere, declarez-moy Vos ennuis & fi grand efmoy. Le Pape.

Tu scais Satan l'aise & contentement Où i'ay par toy regné fort longuement, Et tu m'as veu en tel heur & credit Que ie viuois sans aucun contredit, Tous m'adoroyent, & n'y auoit personne Qui ne tremblast sous ma triple couronne: le iouissois à gré du temporel Et dominois sur le spirituel. Bref i'auois mis par ma grande puissance Ames & corps sous mon obeissance. Mais quand ce faux apostat de Luther Contre ma loy se meit à disputer, (Ce qu'auant luy deux auoyent voulu faire, Que ie fey tost cruellement desfaire, C'est à scauoir ce lean Hus & Wicles Qui quelque peu escornerent ma clef). Dés lors mon mal à poindre conimença, Et oncques puis de croistre ne cessa Car il remeit en cours les Euangiles Par moy bannis de tous pays & villes, Et enseigna qu'on teinst ce lesus Christ Pour seul Sauueur, & moy pour Antechrist, Et qu'on receust pour la purgation De tous pechez, la mort & passion Du Fils de Dieu, & non mes indulgences Pleines d'erreurs, fraudes, & violences, Monstrant aussi l'abus de mes pardons Lesquels ie vend, & s'acquierent par dons. Satan.

Il n'est point besoin de tourment

A qui confesse alaigrement.

O Beelzebul, prince sage,
Tu iouas bien ton personnage
Establissant la Papauté
Qui le siege à Christ a osté!
Car elle a le ciel desgarni,
Et ton enfer d'ames muni.

Mais i'ay si grand peur que i'en sue,
Que n'en ayons mauuaise issue.

Le Pape.

Or a tant faich ce moine renie',

Et a si bien mes decrets manie',

Qu'il a ouvert l'aureille aux simples gens

Qui de scauoir n'estoyent point diligens,

Et si croyoyent à credit tous mes faichs,

Cherchans en moy merci de leurs messaits.

Si bien qu'ils sont venus à esplucher

Mon alchumie, & à me rechercher

Tant en mes dichs & escrits qu'en ma vie,

Et ont trouve' que du tout ie deuie

Du droit chemin, & de la vraye sente

Que ce lesus à ses eleus presente.

·Satan.

Ce qui est vray, mais il ne le faut dire Pour n'empescher la marmite de cuire, Qui nourrit tant de truyes & pourceaux, Et qui vous fait manger les bons morceaux. Le Pape.

Ce n'est pas tout, Satan, tu dois entendre Que ceste secte est venue à s'espandre Par tous pays, & toutes regions,

Iusqu'à gaigner des gens à legions. En premier lieu l'Allemaigne seduite Par ce Luther, & à sa loy reduite M'a quitté là, puis apres l'Angleterre A commence à me faire la guerre. Mais il y a yn anglet en Sauoye Qui m'a raui le comble de ma iove: Et cependant pour dire, ce n'est rien, Si n'y a-il en ce val terrien Ville, pays, prouince, ne contree Qui ait ma paix comme ce lieu outree. Entr'autres griefs i'auois ma fille France Qui m'a toufiours porté obeissance, Et m'a este en tous endroits fidele Sans se monstrer en un seul poina rebelle, Qu'yn tas de gens sorciers & enchanteurs Partis de là, & bien subtils menteurs, Par leur babil en erreur ont tiree Et de dessous mon aile retiree.

Satan.

Sorciers!

Le Pape. .

Sorciers: voire Sorciers.

Satan.

Comment?

Le Pape.

Et comment donc nommerois-ie autrement Ceux qui par bien & finement parler, Maugré qu'on ait font apres eux aller Grans & petis, tant ils scauent bien dire. Comme iadis Orpheus par sa lire Tant esmouuoit pierres, forests, & bestes, Qu'il les rendoit de suyure toutes prestes. Satan.

A mon aduis pourtant c'est moquerie Que d'appeler cela forcelerie.

Le Pape.

Que diriez vous qu'estans si loin d'yci,
Quand il leur plaist me rendent si transi
Que ie ne scay que dire ne que faire.
En vne fois ils me feront retraire
Mes pieds & mains, si bien que pour mourir
Ie ne scaurois ni mouuoir ni courir.
A l'autre fois me feront tressaillir
De grand frayeur, & mon cœur defaillir,
Tant qu'en mon corps i'ay mille meurtrissures;
Et au dedans deux fois plus de poinstures:
Et toutessois ils sont trop loing de moy
Pour me toucher, & faire tel essero.

Satan.

Si est-ce que nul ne peut estre En cest art-là valet ne maistre Sinon qu'il soit fait de ma main. Mais c'est vn acte plus qu'humain Que ce que vous me racontez: Et de faict, vous m'espouantez: Car si de bien pres on se songne On trouuera que Dieu besongne 'Par ces gens-là: si ainsi est, Mon Prince y a grand interest. Le Pape.

Ainsi Satan, pour acheuer mon dire,

Croy que ie suis en extreme martyre, De veoir ainsi ma fille desbauchee, Et de mon sein tellement arrachee Que i'ay perdu toute attente & espoir D'en iouyr plus, & de iamais la veoir. Hespagne aussi qui s'est tousiours portee Fidelement, est fort solicitee De me quitter, & de suyure la Loy De ce Iesus, & l'auoir pour son Roy. Et qui plus est, i'enten que l'Italie, Mon Italie! à ces gens-ci s'allie, Dont peu s'en faut que le cour ne me fende, Et que de dueil deuant toy ne me pende.

Satan.

Non, non, il auroit trop d'affaire, Seulement qu'il m'en laisse faire, Il verra si ie ne l'accoustre Haut & court en guise d'vne outre. Mais cependant qu'yci ie iafe Le mal croist, & le feu s'embrase, Si bien qu'à faute d'y pouruoir On pouroit bien sentir & voir Ce qu'on ne veut, & pourtant d'heure Entendre y yeux, auant qu'il meure. Et s'il y a en mon cerueau Quelque aduis ou conseil nouueau, Mettre me le faut en auant Et monstrer que ie suis scauant A rompre toutes entreprifes Qui sont contre mon maistre prises.

Le Pape.

Ie n'en puis plus, que l'on me couche, Et que l'on me mette en la bouche Vn morcelet de pain beni, Ou le fainct corpus Domini, Et quelque goutte d'eau benite.

Satan.

Haro, ie m'enfuy bien viste
Tant ie crain ceste eau là salee.
Or sus, la voy-la auallee,
Ie n'ay plus peur que mal me face
Ou que l'on m'en iette à la face:
Ie m'en retourne pour entendre
Ou c'est que son mal voudra tendre,
A la mort, ou bien à santé.

Prestrise.

Et dea, & dea, Pater sande,
Parlez vous point à vos enfans?
Vous nous auez faits triomphans,
Voire si richement pourueus
Qu'il n'est pas possible de plus:
Mais lors que pleine iouissance
Attendions de nostre abondance,
Oster nous voulez tout plaisir
Et de tout soulas dessaisir.
Car si vne fois vous mourez,
De mourir sommes asseurez.
Moinerie.

Mourir dea, quand on est si aise? Ie te pry frere, qu'on s'en taise, Car ie n'en veux ouyr parler.

Le Pape.

Mes enfans il s'en faut aller, Estes yous pas prests de me suyure? Et apres moy youdriez yous viure?

Prestrise.

C'est vn vray prouerbe de Prestre, Qu'encores n'est-il tel que d'estre.

Le Pape.

Ha cependant que ie t'escoute, Ie vien de sentir vne goutte! Satan, tire moy ce pied droit.

Ouy da, ce n'est qu'vn peu de froid Qui yous vient d'auoir mal couche', Ou celle qui y a touche N'auoit, peut-estre, les mains nettes.

Le Pape.

Ie n'en frequente que d'honnestes. Satan.

l'enten de vostre chambriere? Mais tenez le vent de derriere, Car ie crain par trop le sou-chantre.

Le Pape.

Helas les reins, helas le ventre! Prestrife.

Ma sæur, faisons luy vn clystere D'yn peu de graisse de breuiaire C'est la chronique passion.

Moinerie.

Mais plustost la decoction D'vn libera gringuenoté. I'en ay yn qui est bien note Et trottera dedans son corps, Pour y faire de doux accords.

Le Pape.

La douleur droict au cœur me monte.
Satan.

C'est qu'il luy faut venir à compte De tant de pechez qu'il a faits, Dont il sent maintenant le fais: Mais s'il est secouru à coup, Il n'en mourra pas pour ce coup.

Moinerie.

Il est pasme'. Satan apporte Quelque remede, ou ie suis morte. Satan.

Sus, prenant vistement l'escorce D'vn Salue, pilez-la à force, Et la passez par l'estamine Faicte du froc d'vne beguine, Au ius d'vn doux Obsecro te, Et il reuiendra en santé.

Le Pape.

A coup à coup que l'on m'emporte En enfer à la vache morte, Ou fur vn vilein bouc puant Auec mon gentil chathuant Que ie nourri en vne cage.

Prestrife.

Il est bien prochain du passage, Il resue, tirant à la fin. Enuoyer nous faut au deuin Pour scauoir qu'il en aduiendra. Moinerie.

Et quel deuin y entendra Plus que le diable qui les forge? Le Pape.

Secourez moy, ventre sainct George, Satan, me faux tu au besoin?

Satan.

Pere sainct, ie ne suis pas loin,
Et pense à vous donner secours.
Mais quand i'ay fait tous mes discours,
le m'y trouue bien empesché.
Car ie croy que c'est le peché
Qui vous naure la conscience:
Et moy, ie n'ay pas la science
D'oster ce mal ni le pouuoir,
Autre mire vous faut auoir.

Le Pape.

Helas qui donc?
Satan.

A ce ne touche,

Car i'ay qui me ferme la bouche.

Moinerie.

Mais voirement à mon aduis Si par maniere de deuis Vous vous confessiez vn petit, Vous recouureriez l'appetit, Apres auoir iette dehors La poison qu'auez dans le corps.

Le Pape

Bien donc, approchez vous Prestrise

Auec vostre grande chemise Pour m'ouir en confession, Et donner absolution.

Prestrife.

Pere, i'y vay tout promptement Vestu de mon accoustrement. Mais auant que rien entreprendre, le vous veux aduertir de rendre Ce que vostre saincleté tient D'autruy, qui ne luy appartient, Dominus benedicite.

Le Pape.

Tout beau, yous auez incité, Criant si haut pres du dormir, Mon cœur tant malade à yomir. Ouah, ouah.

Moinerie.

Poussez, iettez hors ceste ordure, Cela vous seruira de cure.

Prestrife.

Sain& Goguelu que d'infamie, Ie croy que c'est de la mommie, Car il ressemble à chair humaine Dont sa pance estoit toute pleine.

Et pourquoy trouues-tu estrange Que quelqu'yn rende ce qu'il mange? Il a tant mangé d'orphelins En guise de bons poupelins, Et beu le sang de mainte vesue, Que ie m'es bahi qu'il n'en creue. Moinerie.

Que ces phleumes ont de couleurs: Elles luy caufoyent fes douleurs.

Ce sont fraudes, extorsions, Erreurs, abominations, Violences & cruautez, Trahisons & desloyautez: Ce sont decrets, pardons, & bulles, Cardinaux, & chapeaux & mulles, Abbez, Euesques, crosses, mitres, Moines, Nonnains, conuents, chapitres: Citations, foudres, tempestes, Reliques, befaces, & questes, Images, cloches, luminaires, Cimetieres, & presbyteres: Chasubles, aulbes & estolles, Murmures, mines, & paroles, Souplessaux, tordions, & danses, Desguisemens & manigances. Bref, il y a de toutes choses Au cabinet du Pape encloses. Il n'en vomiroit en dix ans Autant qu'il en reste leans.

Le Pape.

Ouah, ouah.

Prestrife.

Rendez tout sans rien retenir. Le Pape.

Ha, il ne peut plus rien venir. I'ay là dedans ie ne sçay quoy

Qui fait que ne suis à requoy, Et qui me tient le cœur en serre. C'est ie croy la chaire sain& Pierre, Qui ha par trop grande estendue Pour estre ainsi à coup rendue. Et i'ay beau faire mon effort Si ie la puis rendre sans mort. Mais à dormir me sens dispos, Pour Dieu laissez moy en repos. Et toy Satan qui ia me vois Aux cris de mort & aux abbois, Va t'en par tout faire poursuyte ; Pour recouurer des gens d'eslite, Soyent Turcs, luifs, Maures, ou Tartares, Sovent hommes lettrez, ou barbares, Qui prenent en main ma defense, Et gardent que l'on ne m'offense, Soit en ma personne, ou mes biens, Spirituels, ou terriens.

Satan.

Reposez vous donc vn petit
Pour recouurer vostre appetit,
Cependant ie vay par le monde
Tracasser & faire ma ronde
Pour voir si ie pourray rien faire
Qui seruir puisse à vostre affaire.
Toutesse ie croy qu'il vaut mieux
Que ie face vn tour aux bas lieux
Pour narrer l'execution
De toute ma commission.
Et d'autre part, il peut bien estre

Que ie fay besoin à mon maistre Puis si tost qu'auray fait vn tour, On me verra ci de retour.

Prestrife.

Voyla nostre homme bien au bas, Toutesfois il n'en mourra pas Si à coup, ou ie suis deceu. Mais à ce que i'ay apperceu, Encore qu'il ait quelque trefue, C'est miracle s'il en releue.

Moinerie.

Frere, de nous penser convient:
Car si cemesches nous advient
Qu'il nous laisse, vers qui sera-ce
Que trouver pourrons quelque grace?
Chacun nous hait & nous deteste
Comme yne dangereuse peste.

Prestrife.

Foibles sommes de cœur & corps, Ranger nous faudra des plus forts.

Moinerie.

Les autres aiment à veiller, A peu viure, & bien trauailler: Et nous, helas, tout au contraire, Voulons bien viure, & ne rien faire.

Prestrise.

Hurler faudra auec les loups, Ou faire les piteux & doux: Et laissans là nos Audi-nos, Contrefaire les Huguenaux. Moinerie.

Mais yeu qu'ils ne nous peuuent voir, Ils ne nous voudront receuoir.

Prestrise.

A leur refus aux Turcs irons, Ou aux Iuifs nous nous allierons. Que si là nous ne trouuons place, Satan prirons qu'il nous en face.

Moinerie.

Voyla bonne conclusion, Et saincle resolution.

Le Pape.

Ca tost, qu'on me change de lieu, ... Par tout me suit la main de Dieu.

Prestrise.

On s'y en va tout promptement. Ma fæur, prenez lå vistement. Voirement où voulez vous estre? Le Pape.

Qu'on me iette par la fenestre Du haut en bas, c'est ce qu'il faut, Aussi bien ay-ie yci trop chaud.

Moinerie

Frere, mettons-le en quelque part, En lieu secret & à l'escart. Peut-estre qu'ayant pris repos, Il reuiendra en bon propos: Et i'espere qu'en peu de iours Ce mal-ci aura pris son cours.

Prestrife.

Or sus là donc : car il est heure,

S'il le fut onc, qu'on le sequeure. Que s'il aduient qu'il n'en releue, Des maux aurons sans fin ne trefue. Satan.

A mon retour faut que m'employe, Et que mes cinq sens ie desploye A renuerser tous les desseins De ces Huguenaux cauts & fins. Non que ie craigne la personne Du Pere saina, mais sa couronne. Autrement, ie yeux bien qu'il aille Au bordeau pour chose qu'il vaille. Mais s'il aduient qu'il soit desfait, Enfer perdra sa vache à laich. Voyci donc qu'il faut que ie face. Il faut tout premier que ie brasse Entre ces Chrestiens nouueau-nais Discors pour les rendre estonnez. En apres il faut que ie trouue Quelqu'yn qui forge & qui controuue A tous propos bourdes nounelles, Pour esteindre les estincelles Du grand bruit qui court de leurs faits. Et lors en brief seront desfaits. Car ceux qui croyent de leger, Donront lieu, sans s'interroger, A ce que dire on en voudra, Ce qui mesprisez les rendra. Puis ie desire auoir trouue Quelque homme en malice approuué, Qui scache escrire en toutes langues

Des inuectives & harangues, Pour rembarrer & faire taire Ces asnes qui ne font que braire Contre les abus de la Messe, Ceste noble & braue deesse Qui si bien remplit nos chaudieres De poures ames prisonnieres. En apres il faut que i'ordonne Quelque baudet de la Sorbonne, Criard, mutin, opiniastre, Fol, insensé, acariastre, Soit docteur ou bien bachelier Rempli du zele du celier, Qui face tres bien son deuoir De mutiner & esinouuoir Le poure ignorant populaire A quelque sedition faire Contre ces faux Lutheriens, Disant que ce sont loups & chiens Qui sont entrez en l'heritage De Dieu, pour y faire rauage, Et mettre saincle mere Eglise, Si faire se peut, en chemise. Alors on les verra musser Tout camus, & leur ris cesser. Mais il faut que mes cornes cache Afin que mon nom on ne scache, Et prenant yn habit leger, l'aille en guise de messager. L'outrecuidé.

Philaute.

Philaute.

Sire.

L'outrecuidé.

Que t'en semble?

Philaute.

Il m'est aduis que ie tremble, Mais ce n'est la fieure de veau.

L'outrecuidé.

Et puis, que dit-on de nouveau?

Philaute.

Où là?

L'outrecuidé.

Yci en mon Royaume?
Philaute.

Il n'y a qu'vn Pierre ou Guillaume, Et vous demandez des nouuelles. O que nous en orrions de belles Si les lezars & les poissons Se faisoyent entendre en leurs sons! Mais qu'est-ce qu'yci on rencontre Sinon qu'on trouue malencontre, Ou bien la faim laide & hideuse, Pour ronger nostre pance creuse?

L'outrecuidé.

Vray est que ce lieu est desert, Mais ce mal à vn bien nous sert, Qu'on ne nous vient yci fascher.

Philaute.

Mais on n'y trouue que mascher. Et n'est-ce pas grand's ascherie Que nostre ventre à la fin crie Sans qu'il y ait pour l'appaiser. Que vaut donc tant se malaiser En vne terre infeconde Pour vn peu d'honneur de ce monde? L'outrecuidé.

Et quoy? corps sainct laques paillard? Viens tu faire yci du raillard? Veux tu gloser sur ma grandeur Et prestre-royale splendeur? Philaute.

Sire monfieur ne vous desplaise, Il vaut donc mieux que ie me taise. L'outrecuidé.

Non fait, ie veux que tu respondes, Moyennant que point tu ne grondes. Philaute.

Ce n'est pas moy, sont mes boyaux. L'outrecuidé.

As tu veu mes letres royaux Touchant ma grande authorité Sur ce pays inhabité? Philaute.

Et que m'en seruira la veuë, Si ma bedaine n'est repeuë? Ie croy bien qu'estes vn grand maistre, Mais si me donniez à repaistre, Ie vous dirois plus grand d'yn tiers.

L'outrecuidé.

Apres.

Philaute.

I'y cours.

L'outrecuidé.

Où?

Philaute.

Aux fentiers
Pour veoir si point ie ne pourroye
Happer quelque lezard pour proye.

L'outrecuidé.

Voyez si ce paillard est rogue De railler quand on l'interrogue! Vertu si sur toy ie me mets, Serui seras de diuers mets.

Philaute.

l'aurois bien assez d'yn quignon De pain bis & d'vn gros oignon. Mais pour vser de discipline Ne vous ruez point en cuifine. Ha si i'estois chien de mon maistre Par de-là, i'aurois à repaistre Mon soul de bon pain de mesnage, Et quelque fois de gras potage: Mais yei faut humer le vent Voire marin, qui put souvent, Où il n'y a suc ne substance, Et ce pour tout pain & pitance: Tellement qu'il faut qu'en peu d'heure Chacun de nous parte, ou qu'il meure. Parquoy monseigneur & mon maistre, Mon Roy, mon Empereur, mon Prestre, Mon Tyran, mon Pape, & mon Prince Sortons de ceste orde prouince Où en vsage n'est le pain,

Et n'y a ne vigne ne vin.

Allons vers nostre mere France
Qui guarira nostre souffrance.
Car yci ne scaurions plus faire
Que languir, & la mort attraire.
L'outrequidé.

Quoy donc? faut-il que i'abandonne Ce mien royaume & ma couronne? Que deviendroit mon Colligni Si bien remparé & muni, Ma Ville-henri, cité tant belle, Qui femble vne Naple nouvelle? Philaute.

Mais vn Iericho deuiez dire
Car les murs y creuent de rire,
Qui font de boue & de crachat
Pour loger vn chien ou vn chat.
Pour Dieu, monfieur, deportez vous
De vous vanter, ou tous les coups,
Quoy qu'en foyez trop irrité,
Ie vous diray la verité.
Vous scauez que i'enten trop bien
Quel est ou n'est pas vostre bien.
L'outrecuidé.

Quoy? faut-il qu'ainsi tu babilles?

Philaute.

Vendez donc ailleurs vos coquilles.

De moy, ie ne me pais de fonges,

Et beaucoup moins de vos menfonges.

Que si vous auez tant d'enuie

D'annoblir vous & vostre vie,

Enuoyez en France vos bourdes Toutes les plus grosses & lourdes: On croira tout, voice à credit Et ce sans aucun contredit: Car mesmes au lieu d'en oster, Chacun y youdra adiouster: Il n'y aura celuy ne celle Qui ne hume telle nouuelle Comme vn brouet delicieux Pour vous esleuer iusqu'aux cieux, Tant font les gens legers & sots. Faites vostre Isle vne Samos Ou vne Coo plantureuse, Belle, fertile, & tres heureuse. Mandez que vous auez conquis Vn peuple puissant & exquis. Brief, mandez que vos poullaliers, Vos cahuetes & halliers Sont villes, chasteaux, forteresses Pleines de gens & de richesses. Mais à moy qui enten le per, Il faut plus franchement couper Les propos: car si poure suis, Si est-ce pourtant que ne puis Porter ces vaines vanteries Ou plustost pures menteries. Ce que dire enten sauf l'honneur De vous mon maistre & mon Seigneur.

Or ça pour abbreger le conte, le croy, fi ce n'estoit de honte, Que serions d'yn aduis tout deux, C'est d'estre en France tous breneux, Ie di, monfieur, iufqu'aux aureilles, Pour bien raconter nos merueilles A la table de quelque Prince, Cardinal, ou chef de Prouince: Ie croy qu'en pourrions desmesser Plus que dix tordre ne filer. Et cependant pour le refrain On nous verroit aller beau train Tant des mains que des dents ensemble, Comme quand yne poulle a Temble Le grain que l'on luy iette à terre. Le pain & vin auroyent la guerre, Aussi auroyent les bons morceaux Dont se farcissent ces pourceaux Rouges vestus, & telles bestes Qui ont la marque sur leurs testes. Monsieur, ne soyez point si sage Que honte vous face dommage, Confessez yci en secret (Car ie fuis loyal & difcret) Si n'estes pas las de iusner.

L'outrecuidé.

De vray, ie voudrois desiuner
Bien souuent, que ie n'en ay pas,
Et si fay trop peu de repas
Pour le grand vaisseau que ie porte:
Mais i'ay qui me ferme la porte.
Car i'ay trop irrité les dieux
Quand i'ay fait prescher en ces lieux
Purement le sain Euangile

Par les predicans d'yne ville Que le Pape auec sa Prestrise En interdit ont pieça mise Apres ie me suis departi Du sainct Pape & de son parti, Et pour yn profit pretendu, Me suis au camp de Christ rendu, Contrefaisant le bon Chrestien Pour yn temps & l'homme de bien, Tellement que tout le Clergé A fur moy son feu descharge, Et me tient pour son ennemi Au lieu que i'estois son ami. Sur tous Messieurs les Cardinaux Qui detestent les Huguenaux, M'ont fait puir deuant le Roy, Disans que suis homme sans loy. Et maintenant qu'irois-ie faire De par de-là, sinon desplaire, Ou plustost la haine encourir Des grands, pour me faire mourir? l'aime trop mieux seul yci viure, Qu'à mon escient mon mal poursuyure. Philaute.

Est-ce là tout ce qui vous garde
De partir, & qui vous retarde?
Vous demeurez en beau chemin.
Non non, Monseigneur, i'ay en main
Remede prest à vous donner:
C'est qu'il vous convient retourner
Vn peu vostre robbe à l'envers,
Et tenir propos tous divers

A ceux que tenir vous fouliez,
Et feindre comme fi vouliez
Contre ces Huguenaux efcrire
Pour leur doctrine & eux destruire:
Et vous vous verrez deformais
En plus grand credit que iamais.
L'outrecuidé.

Ton conseil pertinent ie trouue, Et comme expedient l'approuue Apres que ie l'ay bien gousté. De faich, ie suis bien desgouste De ceste nouuelle doctrine Qui tout plaisir mondain ruine, Et qui veut ainsi retrancher Tous les soulas de nostre chair. Quant à moy, i'aime le deduit, De Venus de iour & de nuit: Outre plus, ie tien de mon pere Que i'aime à faire bonne chere: Dont ceste loy qui par contrainte Veut rendre la personne saincle, Ne me vient trop bien à propos, Aimant mon aise & mon repos. Parquoy suyure ie veux la voye Du monde, en plaisir & en ioye, Et de faict, ie me delibere De ne plus yci seiour faire.

Philaute.

Or que voyla vn bon propos. Tandis que vous estes dispos, le m'en vay sans plus arrester Au port, le nauirc apprester. Monsieur, donnez ordre par tout, Et ie viendray du reste à bout.

L'outrecuidé.

Si ie fay tout, tu n'as que faire. Philaute.

Ho, i'enten quant à vostre affaire. De moy, ie ne suis pas si fin. Pour Dieu faites tost vne fin. Ha mon poure ventre en mal-aise Tu es plat comme vne punaise, Mais si iamais suis de retour Tu auras bon temps à ton tour.

L'outrecuidé.

Or sus, qu'on face bonne garde. Adieu vous di, & qu'on se garde Des surprises & des efforts Des voisins qui sont les plus forts.

Philaute

Allons mon Roy, entrez dedans, C'est trop faict l'alchumie aux dents, Allons au bon pays de France Pour refaire yn peu nostre pance.

L'outrecuide.

Tu retournes à tes moutons. Or sus donc auance, & partons.

Philaute.

Arriuez sommes à bon port Apres meints effrois de la mort. Il sera bien mon ami cher Qui me fera plus cheuaucher Les poissons & la mer bruyante:
C'est assez fait, ie m'en contente.
Mais puis que nous nous departons,
Ie vous pry Monseigneur contons.
Car vous scauez bien l'ordinaire,
Qu'à tout seruice est deu salaire.
Partons donc d'ensemble contens.
Ie vous ay serui si long temps
En ces deserts de l'Amerique,
Nud comme vn ver & famelique:
Et cependant ie n'ay receu
Vn seul faux sols qu'aye apperceu
L'outrecuidé.

Philaute, loyer differé

N'est pas perdu ni esgaré.

Tu scais qu'ores desnué suis,

Mais si iamais retourner puis

En credit, tu te sentiras

De mon heur, & premier seras

De ma maison, mais pour ceste heure

Trouver te faut qui te sequeure.

Adieu Philaute.

Philaute.

Adieu mon maistre,
Ie m'en vay chercher à repaistre.

Pourchassez vous, si vous voulez,
Et iusqu'au creuer vous soulez.

Nous voyla sur la planche aux vaches,
Chacun de nous face ses paches
Comme il entend: car de ma part
Ie me retire en autre part.

L'outrecuidé.

Or ça, puis que suis de retour, Aller me faut tout droit en Cour Pour scauoir quel conte on fera De moy, quand on me reverra. Mais ie suis en grande destresse, Pensant vers qui prendray adresse. Aller me faut vers l'eschançon Du bon Chancelier d'Alançon, Où iadis aller ie souloye Quand vn peu fourrer ie vouloye Mon pourpoint, & quand à vray dire Il n'y aucit chez nous que frire: Là au flair de la fricassee l'ay beu de vin meinte tassee. Estaller donc y faut boutique Pour continuer la rubrique: Ie ne scay pour ma friandise Allieurs meilleure chalandise. Hola mon ami sommelier De monseigneur le Chancelier, Où estes vous? Nul mot ne sonne, le croy qu'il n'y a plus personne. Corps fainct laqu'où suis-ie rangé? Ie voy que l'estat est changé, Ie ne scay pas qu'il me faut faire, Si ie doy crier ou me tuire. Si faut-il faire mes approches. Ho cuisiniers & tourne-broches, Mes bons & anciens chalans. Mot. Vertu qu'ils sont nonchalans

De respondre à leur grand ami. Au moins cognoissez à demi Ce grand corps de Villegaignon, Auez vous oublie mon nom? Pas yn mot. Que sera-ce ci? Ie commence à prendre souci Voyant que nul ne me caresse. Ie voy bien que n'auray addresse En ce lieu, pour auoir butin, Sinon en crachant mon Latin Contre ces freres Huguenaux Ausquels chacun veut tant de maux. Mais il vaut mieux prendre la guise D'yn reuerend prestre d'Eglise, Sans deroguer à ma couronne Et prestre-royale personne. Car les armes ne quitteray, Ains d'yn coste in'equipperay Comme yn vaillant homme de guerre. Puis la robbe trainant à terre L'autre costé honorera Et le bonnet rond couurira Mon chef auec mon diadesme Tesmoin de ma grandeur supresme. Tellement qu'en cest equipage On me tiendra pour preux & fage. Voyla comme Philaute dit Que recouureray mon credit. Ie m'en vay donc fans plus attendre Toute ceste pareure prendre.

L'ambiti-

L'ambitieux.

Vrament il m'en a bien donne Ce gentil monsieur Dieu donne'. Sain& Manenda comment il frotte? Il ne m'est pas demeure crotte, Tant il m'a viuement secoux, Et chasse de mon dos les poux. Que si ce n'estoit peur de honte, Et que de moy on ne feist conte, A bon escient ie me tairois, Et à luy plus ne me prendrois. Mais il faut en forte putain Auoir bon front. Sus mon Latin Frippé, cousu, & regratté, Que ce galand soit bien gratté, Qui veut que Dieu iuste & parfait Soit cause du mal qui se fait.

Satan.

Voyci mon cas. Ho, monsieur, ho, Monsieur de paruo castello.

L'ambitieux.

Hola, qui m'a ainfi nommé?
C'est signe que suis renommé
En meints endroits, puis qu'on m'appelle
Par mon nom. Quoy? quelle nouuelle?
Satan.

Le Pape m'a vers vous transmis Pensant qu'estes de ses amis, Scauoir si vous voudriez rien faire, En bien payant, qui peust desplaire A ces Huguenaux, Martyristes, Caluinistes, Bullingeristes, Qui ont remis sus ceste Cene Qui nostre Messe a rendu vaine.

L'ambitieux.

Quant à moy, vn chacun ie sers, Pour argent, en prose ou en vers: Aussi ne vi-ie d'autre chose Que d'escrire en rime ou en prose. Qui plus est, mon affection Ne tend qu'à la perfection: Et aussi i'espere de faict Qu'en bref temps ie seray parfait. Car on me donne la louange Que suis desiu vn petit Ange, Paisible & doux comme yn agneau, Aimant bien le ius du tonneau, Et buuant quelques fois carhous Auecques mes compaignons doux, Fort familier & populaire, Subtil à induire & attraire, Par beaux diets chacun qui me hante, Tant qu'on dit que ie les enchante. Mais si ne suis-ie pas Papiste. Satan.

Qu'estes-vous donc? bon Atheiste?
L'ambitieux.

le suis qui ie suis sans nommer, le me say par tout renommer Par mes œuures tant bien polies.

Satan.

Ou bien plustost par ses folies.

L'ambitieux.

Parquoy s'il veut que sur l'enclume Ie mette marteau, ou la plume Sur papier, qu'il monstre cliquaille, Car ie veux que deuant elle aille, Et puis on verra de beaux ieux Contre ces galans outrageux Qui font ainsi cruelle guerre A la Messe & au Dieu de terre.

- Satan.

Non, non, croyez qu'il n'est point chiche, Et d'autre part est assez riche Pour recompenser amplement Quiconque luy sert promptement.

En voyla defia un des nostres. Il reste de trouver les autres. Adieu, ie luy feray entendre Qu'estes prest de deuoir luy rendre.

L'affamé.

Et que le grand diable y ait part, Si i'eusse auance mon depart Ceci ne fust point aduenu. Sainct Eustace m'a retenu, Ce beau Curé de triqueniques, S'amusant apres ces guenipes. Vertu, s'il n'en est chapitré, Et comme il merite accoustré, Pour mourir ie ne ferois pas Pour la Sorbonne encor vn pas.

Et toy notable Paternier, N'es-tu pas yn grand lanternier De m'auoir ainsi retenu Et tousiours en abboy tenu Tant que tes bottes fussent prestes, Et ton chaperon des grands festes. Que mal gre en ait Proserpine, Tu m'as fait faire vne gesine De sept mois dedans vn croton, Où meint esprit & meint luiton M'ont fait la guerre en telle sorte Que i'en ay la fressure morte. Et puis, les poux, pulces, punaises, En pension pleines & aises Ont esté entour de ma chair, Qui m'ont ainsi fait dessecher. Et puis tu veux que ie ni'en taise: Non, atten-le aussi chaud que braise.

L'hypocrite.

Hillot, à t'ouyr gazouiller
Tu me voudrois bien embrouiller
En ta fange & en ton ordure:
Mais ie perde Prestrise & Cure,
Voire mesmes mon reuenu,
Que i'ay tousiours si cher tenu,
Que si tu m'auois accusé
Auec ton babil tant rusé,
Ie t'en ferois bien repentir
Pour yn peu t'apprendre à mentir.
L'assamé.

Ne scais-tu pas gentil Cure Que tu as ma bourse escure Sous couleur de faire yn yoyage Au nom de tout le Papelage? Tu en as eu des escus meints, Et puis tu en laues tes mains, Apres m'auoir mis en l'orniere Où i'ay payé la folle enchere. Non, ie diray.

L'hypocrite.

Que su diras?

L'affamé.

Chose de quoy tu ne riras.

L'hypocrite.

Garde toy de desbagouler Propos qui me puisse fouler, Autrement.

L'affamé.

Que me feras-tu?

Ie ne te crain pas vn festu:

Tel menace qui ha grand peur.

Non, Paternier, tien toy tout seur

Que i'ay vne fort bonne enuie

De deschiffrer au long ta vie.

L'hypocrite.

Va malotru, va affamé, Que si tu m'auois diffamé, (Quoy que dire de ma personne Chose ne puisses sinon bonne) Tes reins tout soudain sentiroyent Combien mes deux poings peseroyent.

L'affamé.

Te souuient-il plus grand Lambin, Grand Claquedent, grand Fesse-pain, Qu'vn iour vn seigneur d'Orleans, Chez luy, quand tu estois leans, Ferma tout bellement son huis, Pour te ietter dedans son puits? C'estoit ie croy pour ta vertu, Dont tu es si bien reuestu.

L'hypocrite.

Vrament tu as bien de quoy rire, le tien cela pour vn martyre.
Car i'estois allé l'inciter
A quelque guerre susciter
Contre ces faux Lutheriens.
Mais toy prince des russiens.
L'assamé.

L allali

Si tu dis.

L'hypocrite. Ouy da, ie diray.

L'affamé.

Et moy ta teste couuriray

De ma patte, afin de t'apprendre

S'il te faut contre moy mesprendre.

L'hypocrite.

A l'aide, à l'aide la Sorbonne,
Il a dessacré ma couronne!
O miserable sacrilege!
Qui t'a donne ce privilege
De toucher à la saincte marque
De nostre sainct Pere & Monarque?
Or ie ne chante iamais messe
Si i'ay d'aller repos ne cesse
Tant que i'auray monstré mon mal

A monfeigneur l'official. Secourez-moy, ie ne voy goutte Tant le fang fur mes yeux degoutte.

L'affamé.

Or va vers Thoine ou Marion, Si auras-tu ce horion.

Le zelateur.

Et dea, magister Desiré Vos estis bene choleré. Ie disois que deuiendriez sage Apres auoir este en cage.

L'affamé.

Quoy? me voyla en ma chemise
Pour auoir serui mere eglise.
Au reste, quant à vos promesses
Ne me les payez point en messes
Ni en requiescams in pace,
Ie n'en ay que trop amasse,
Et n'y a iour que ie n'en oye,
Pour Dieu que i'aye autre monnoye,
Ie suis assez hypotheque
Sans que rien me soit reseque
Du salaire qu'on m'a promis
Pour m'estre en si grand danger mis.

Le zelateur.

Messire Artus, ie vous asseure Que vostre recompense est seure: Mais si elle vient vn peu tard, Prendre vous faut en bonne part. Scauez-vous pas que le saind Pere Ha assez grande gibbeciere? Tenez donc bon, & ne vous chaille, Car vous n'y perdrez pas la maille. De moy, tant que la mort me hape, Ie feray feruiteur du Pape. Car ie hay par trop ceste secte Des Luthers, tant orde & infecte. L'affamé.

Aussi veux-ie bien le seruir, Pourueu que puisse desseruir Quelque Prebende ou quelque Cure: Sinon, fidam, ie n'en ay cure, Car d'ainsi me mettre au hazard D'encourir la corde ou la hart, Et cependant demeurer vuide, Fait plus grand despit qu'on ne cuide. Mais seur espoir de recompense Fait decliner la conscience, Pour se vendre ou bien se loer A quelque fort næud desnouer, Ou mettre vn cousteau au trauers: l'enten de tourner à l'enuers Le droict de cil qui n'ha puissance D'empescher effort ou nuisance, Ce que vous & moy ferons bien Sous le titre & nom de Chrestien: Mais fi la croix ne va deuant, Nul de nous ne s'y dit scauant. Parquoy puis que le Pape est riche, Qu'il ne nous laisse point en friche. N'estes-vous pas de cest aduis, Dicite gramina gros bis.

Le zelateur.

A bon escient ie vous accorde Qu'on ne peut bander l'arc sans corde. Aussi nostre zele feruent Deuient bien lasche & mol souvent Faute de l'engraisser & oindre, Tant qu'il ne peut mordre ne poindre: Mais si tost qu'vn peu on l'engraisse, De se demener il n'ha cesse. Tesmoin qu'in Scripturis sanctis. Dict est, Bouis triturantis Buccam tu non alligabis. Il nous faut viures & habis En seruant mere Eglise, & pource Ie di qu'il faut argent en bourse. Mais Artus, ne perdez courage, Le Pape est assez bon & sage Pour vous pouruoir en temps & lieu, Ne vous fiez vous pas en Dieu? L'affamé.

Ouy bien, mais c'est sur bon gage: Vous entendez bien mon langage. l'aimerois mieux vn Tien contant, Qu'vn Tu l'auras valant autant Ou dix fois plus à l'aduenir, Il n'est rien tel que de tenir.

Le zelateur.

Pour vn espion de Sorbonne Vostre raison est saincte & bonne. Si messieurs de la Faculté N'auoyent plus de difficulté A accorder la difference Des poincts qui sont en conference, Ils ne gratteroyent tant leurs testes, De peur d'estre reputez bestes, Et que la marmite ne verse En ceste haireuse trauerse Par où il leur convient passer, Et voir la messe trespasser, Nostre bonne mere nourrice, Et quitter aux Luthers la lice. Ce sont propos auantageux, Artus, motus: c'est à nous deux. Peut estre aussi que le saince Pere Nous gardera de vitupere.

Satan.

Voyci mon cas fans aller loin, Tout me vient à point au besoin. Hola, Messieurs, scauez-vous lire?

Le zelateur.

Lire dea? voire bien escrire. Nous sommes ia maistres passez Et d'estudier tous cassez.

Satan.

Voyci, i'apporte vn blanc-signe' De la main du Pape signé, Afin que tous ceux se souscriuent Qui volontiers pour luy estriuent Contre ces maudits Huguenaux, Qui ores luy font tant de maux. L'affamé.

Leur promet-il quelque salaire?

Satan.

Et quoy donc? que scauez vous faire? L'affamé.

Messager, as-tu tant vire'
Sans cognoistre Artus Desire',
Ce grand Poete & fort scauant,
Qui a fait ce beau Passauant?
C'est moy-messme que vous voyez,
Asin qu'aduerti en soyez.
Mais ie veux auoir recompense,
Et que le Pape me dispense
Des bourdes à grand'quantite
Que ie forge par charite,
Pour faire puir ces meschans
Qui sa ruine vont cherchans.

Satan.

O mon ami, que ie t'embrasse! C'est toy que ie cherche à la trace. Fay bien ton deuoir de mentir, Et ie t'en feray garentir, Et donner pour ton bon seruice Quelque gros & gras benefice.

L'affamé.

Ie remercie la grandeur
De monseigneur l'Ambassadeur.
Mais ie scay vn grand personnage
Fort eloquent, subtil & sage,
Qui ha vn zele si brussant
Qu'il va par les temples vrlant
Contre ceste secte maudite
Qui tant le Pere sainch despite.

Cestuy-là seul pourra suffire A tous ces Huguenaux destruire. C'est Magister noster Maillard. Satan.

Qui donc? nostre maistre paillard? Ce venerable Sodomite. Non, non, Artus ie te le quitte, Garde-le pour chose qu'il vaille, Ce Maillard qui ne vaut pas maille. Ie n'en veux point, c'est vne idole, Vn asne, vn grenier à verole, Vn chien qui iappe, & ne peut mordre, Qui scait fort bien la gueule tordre, Hannir, cracher, moucher, tousfer, Et ses longues manches trousser, Taper des pieds, claquer des mains, letter çà & là regards meints Et faire des yeux l'auantgarde Pour yeoir si chacun le regarde: Car il s'estime estre le veau. De la Sorbonne le plus beau. Tellement qu'il s'attiffe & farde Ne plus ne moins qu'yne paillarde, Et en Guillemete ou Lubine Il peint sa face cherubine, lettant fon liripippion Iusques sur son gros croupion, Et en guise de cauurechef Met son bonnet rond sur son chef. Puis afin d'estre plus luisant (Dire faudroit plus seduisant)

Et qu'à mal les cœurs il embrase, Il a tousiours la barbe rase, Dont son menton quelque peu gris Tirant sur bleu en verd de gris Est de petis trous tout messé En coine de pourceau brusse': Contrefaisant le iouuenceau, Ou bien le vierge & le puceau, Combien qu'il soit yn bouc banier Des plus ords qu'on sceust manier. Aussi pour se monstrer plus sainct Il est souvent sur le cul ceinct, Et va sur sa mule enhoussee Pas à pas comme vne espousee. Mais au reste il n'ha que la iappe, Qu'est-ce donc qu'en feroit le Pape?

Mais vous nostre maistre bourré, Qui portez chaperon fourré, Auez vous quelque rhetorique Au contoir de vostre boutique, Pour bien ces Huguenaux galer, Et leur haut caquet raualler?

Le zelateur.

Domine, parlez par moyen,
Si nescis, ie suis le Doyen
De Sorbonne, ou ie preten l'estre,
Et on me nomme nostre maistre
Nostre maistre Demochares,
Celuy qui dicte les arrests
Des Huguenaux qu'on met au feu,
C'est moy qui les mets tous en ieu,

Et qui par tout les va faschans,
Et leurs estudes recherchans:
Où quand liures y sont trouuez
Par la Sorbonne reprouuez,
C'est moy qui soudain les fay prendre,
Et de leur foy bon conte rendre.
Satan.

Nostre Maistre, ne vous desplaise, Vostre zele chaud comme braise Ne m'estoit encores cognu. Mais i'ay le tout bien retenu, Et si bon recit en feray, Que vostre bruit auanceray.

Le zelateur.

Gratias ago nuntie. Perdiam, i'estois bien soucié De me faire cognoistre au Pape.

Il faut desormais que ie iappe Plus haut & clair contre Luther, Cela pourroit bien inciter Nostre sainct Pere à me pouruoir De ce que ia voudrois auoir.

O poure Sancta Marias,
Mater Dei, qui harias
Si bien en chaire ces meschans,
Qui nos bouges vont recherchans.
Pauper magister Picardi,
De nos maistres le plus hardi!
Si tu viuois, ie puis bien dire
Qu'on les garderoit bien de rire.
Mais quoy, helas, tu es trop loin

Pour y pouuoir mouiller ton groin.

Mais nuntie, ie vous aduise Qu'vn homme de nostre chemise S'est mis ces iours-ci en auant Qui est fort rusé & scauant, Et les gale bien dos & ventre. Scauez-vous qui? Monsieur le chantre, Dit Gabriel de Saconay.

Satan.

Qui? cestuy-la? il n'est pas nay, Il est encor en la coquille, Il m'en faut vn qui mieux fretille. C'est mieux son cas d'entretenir Putains & ieux, que de tenir Propos de telle consequence.

Le zelateur.

Mais voirement, quand bien i'y pense, Frater maistre Benoist Poussot.

Satan.

Frater maistre Benoist tout sot, Nostre maistre mes vieilles brayes: Ce sont autant de mortes payes. Laisse ces asnes sans scauoir, Et pense de faire deuoir.

Le zelateur.

De ma part, tenez-vous tout seur Que seray ferme comme vn mur. Satan.

Et trois. Il n'en reste plus qu'vn.
Tout beau, voyci venir quelqu'vn.
L'outrecuidé.

Cælum non animum mutant qui trans mare currunt. Cedant arma togæ, concedat laurea linguæ.

Satan.

Ce rustre-ci a bien bringué, Et semble aduis à son plumage Que ce soit quelqu'oiseau sauuage. Ho, qui es-tu?

L'outrecuidé.

Qui? ma perfonne? Elle fert à qui plus luy donne. Satan.

Mais que veut dire ce flageol Que ie te voy pendu au col? L'outrecuidé.

C'est que babil point ne me manque, Et de mesdire ie tien banque.

Satan.

Que veut dire ce diadesme, Et ce bonnet tourné de mesme? L'outrecuidé.

C'est que de la France Antarctique, Où i'ay dresse la Republique,

Et de mon cerueau fait la loy, Ie suis le grand Prestre & le Roy.

Satan.

Quoy, grand Prestre? gentil Satrape, Il n'y a au monde qu'yn Pape, Ie maintien cela pour ma vie.

L'outrecuidé.

Et dea, ie ne luy porte enuie

Mais cela est vn autre monde Sur quoy ma Papauté ie fonde. Satan.

O le grand Geographien,
Ou plustost, le grand ruffien,
Auec son equipage estrange,
Qui deux mondes dedans vn range!
Mais dont vient que tu te desguises
En tant & si diuerses guises?

L'outrecuidé.

Vrament, tu en as bien affaire.

Et c'est que ie scay bien tout faire.

Ie suis, Aduocat, Orateur,

Courtisan, & grand affronteur,

Cheualier, Gendarme, Pyrate,

Qui moyennant vne fregate

Escumeray toute vne riue,

Voire aussi bien qu'homme qui viue.

Et quoy? ne scais-tu pas mon nom?

On m'appelle Villegaignon.

Vray est qu'on me nomme au village

Colas Durand, Colas peu-sage:

Mais par mes actes de prouesse

l'ay acquis titres de noblesse.

O Roy François, tu m'annoblis, Tesmoin la rouge fleur de lis Que i'ay encore sur l'espaule Comme vray enfant de la Gaule.

Ce Liset ne feit iamais mieux Quand au gré de mes enuieux, Me defendit d'aduocasser. Cela m'a tant fait tracasser Qu'en suis deuenu gentilhomme. Voirement, suis-ie pas bel homme? Diroit-on pas à mon corsage, Que ie suis vaillant personnage? Satan.

On ne diroit rien de nouueau, Tu es vn grand & maistre veau: Et semble bien à veoir ta mine, Que tu es vaillant en cuisine.

L'outrecuidé.

Mon ami, quand ie fuis dedans, Ie vay tant des mains que des dents Fort vaillamment, & ie t'affeure Que rien deuant moy ne demeure. Quoy que ce foit, ie veux bien viure.

Mais as-tu point veu vn gros liure En Latin, que i'ay composé Apres que i'auois reposé Mon vin de la collation? C'est vn œuure en persection Bien fait, & duquel la memoire M'acquerra immortelle gloire.

Satan.

Ceste louange est yn peu louche Procedant de ta propre bouche. Mais contre qui t'addressestu? Contre le Pape?

L'outrecuidé.

Non, vertu, Mais contre yn Richer & les siens. Ie les accoustre bien ces chiens, Qui ne veulent pas que Dieu soit En la messe, au pain qu'on reçoit. De l'an ne passera sepmaine Qu'ils n'ayent la fieure quartaine De grand frayeur que leur ay fait. Ami, les voyla bas, c'est fait. Iamais ne leueront le nez.

Satan.

Si ne sont-ils pas estonnez De peu de chose, & ont grand zele A bien maintenir leur querele: Et gage qu'auant qu'on vendange Qu'ils t'auront bien rendu ton change.

L'outrecuidé.

Ie ne les crain ne morts ne vifs Fussent ils Sarrazins ou Iuifs. Satan.

Voyci tout vn tel personnage
Qu'il me faut: ie ne suis pas sage
Si des miens ie ne le retien.
Or ça, monsieur, voudrois tu bien
Entrer au seruice du Pape?
L'outrecuidé.

Ouy bien, pourueu que l'attrape Quelque butin pour recompense. De moy, l'aime à farcir ma panse. Satan.

Tu auras des biens tant & plus: Il ha de tout moins que d'escus.
L'outrecuidé.

Mon ami, scais-tu? Le chapeau.
Satan.

Quoy donc? i'acheteray la peau Au marché pour auoir la laine, Que teindre feray en migraine: Puis le Pape la benira, Et ton gros chef en couurira.

L'outrecuidé.

Scais-tu? ie ne le veux pas nud, l'enten auec le reuenu. Car ie di qu'en tout facrement On conioint ordinairement La verite auec le figne.

Satan.

Tien ce papier, & te soussigne, Car c'est le blanc-signé du Pape. L'outrecuidé.

Voyla mon nom, Colas satrape, Colas le fol, Colas le roy, Colas sans Dieu, Colas sans loy. Or tu diras au sanstissime Que pour luy suis paratissime. Satan.

Or ça, ie suis venu à bout
De mon affaire iusqu'à tout:
le m'en vay donc tant que ie puis,
Car on ne scait pas où ie suis.
Mais vers le Pape faut passer,
Afin de le detrespasser,
Et luy conter tout mon brassage,
Qui est bien à son auantage.

Verite.

Verite suis de Dieu la fille aisnee Pour le salut des humains ordonnee, Voire de ceux qui en perseuerance Auront en luy foy & ferme asseurance. Or a-il veu de ces supremes cieux Tous les complots de ces malicieux Qui ont desir, & font leur entreprise De ruiner du tout sa poure Eglise. Les pleurs aussi, cris & gemissemens De ses enfans, & les tant griefs tourmens Qu'ils ont souffers, deuant luy sont montez, Et les a tous bien pesez & comptez. Parquoy du ciel çà bas m'a fait descendre En ces durs temps, pour les foibles forts rendre, Pour consoler les esprits angoissez, Et soulager ceux qui sont oppressez.

Petit troupeau doncques tant precieux,
Et tant aimé du puissant Roy des cieux,
Ne perdez point confiance & courage
Pour les efforts & furieuse rage
De ces meschans: car vostre patience
Surmontera en fin leur violence.
Las ie scay bien que grands sont vos effrois,
Et bien pesant le fais de vostre croix:
Mais celuy-là qui veut que vous souffriez
Et qu'à la mort pour luy vous vous offriez,
Comme vaillant & loyal capitaine
A le premier pour vous porté la peine:
Luy di-ie iuste au nom de vous coulpables,
Luy tout parfaict pour vous tant miserables.

Et a tant faich, maugre' d'enfer l'enuie Qu'en se liurant, vous a rendu la vie, Voire vne vie heureuse & eternelle Accompagnant vne ioye immortelle. Craindrez vous donc vne mort transitoire Dont l'issue est toute pleine de gloire?

Non, non, enfans du Seigneur bien-aimez, Les maux presens condignes n'estimez Au bien sutur, puis que son excellence Est par dessus humaine intelligence.

Vray est qu'aurez au monde oppression,
Et ne serez sans persecution:
Mais soustenez contre toute greuance
En endurant: car vostre deliurance
Ne tardera, pour auoir la couronne
Que Iesus Christ à ses sideles donne.
Et lors tous ceux qui contre luy se dressent,
Et ses enfans cruellement oppressent,
Verront celuy lequel ils ont percé
Et leur estat slorissant renuersé:
Car ils rendront compte de sous leurs faits,
Et receuront loyer de leurs messfaits.

O Dieu haineur de menfonge, Tant font grands tes iugemens! Il m'est aduis que ie fonge Penfant à ces changemens.

L'Eglise.

Il n'y a rien que tempestes Nous suyuoyent de toutes parts, Estans comme poures bestes Par champs & forests espars.

Nous estions comme brebis Trainez à la boucherie, Nous n'oyons rien que tuerie En proye & pillage mis.

Ce Cacus monstre infernal Qui triple couronne porte, Seant au grand tribunal, Nous greuoit en toute sorte.

Puis Polyphemus son frere, Ennemi de verité, Contre nous fort irrité En tout nous estoit contraire.

Leurs violens estassiers Pleins de cruaute & rage Se tenoyent contens & siers De nous faire tout outrage.

Tant qu'il n'y auoit berger Ne brebis parmi les champs Que ne veinssent ces meschans Iusqu'en leur parc outrager.

Feux, glaiues, prifons, tourmens, Blasmes, reproches, iniures, C'estoyent les bons traittemens
De tes poures creatures.

Il n'y auoit poure agneau Ne mouton qui veinst en place Que ceste maudite race Ne luy rauist laine & peau.

Or as-tu tourné la chance Par ta clemence & bonte, Ayant en vn coup donte Les deux chefs de ceste engeance.

Ces deux monstres furieux Ont bien soudain fait le saut, Et ton bras victorieux Leur a liure' dur assaut.

Ils pensoyent bien ces geans Pleins de nuisance & moleste Grauir au throne celeste. Pour te ietter de leans,

Mais d'vn clein d'ail seulement En ta fureur & ton ire, Tu leur as monstré comment Tu les pouvois desconfire.

Tellement que ton troupeau Qui fuyant leurs durs encombres Ne se tenoit qu'en lieux sombres, Voit ores ton soleil beau.

Dont sans fin ton los & gloire Irons par tout racontans, Pour rafreschir en tout temps De ton secours la memoire.

FIN

Réimprimé à Genève par les soins de M. Gustave Revilliod chez I.-G. Fick.

1859

* *





La Bibliothèque The Lit Université d'Ottawa University o Échéance Date



